

四庫全書

子部

欽定四庫全書

集部

歲時雜詠卷十二

詳校官庶吉士臣柳邁祖

助教臣常循覆勘

總校官中書臣朱鈐

校對官典簿臣郭祚熾

謄錄舉人臣查浩

欽定四庫全書

歲時雜詠卷十

宋 蒲積中 編

中和節

古詩十一首
今詩三首

中和節日宴百寮 二首

德宗

韶年啟仲序初吉諧良辰肇茲中和節式慶天地春歡
酣朝野同生德區宇均雲開灑膏露草疏芳河津歲華
今載陽東作方肆勤慙非薰風唱曷用慰吾人

東風變梅柳萬彙生春光中和紀月令方與天地長耽

樂豈予尚懿茲時景良庶遂亭育恩同致寰海康君臣
永終始交泰符陰陽曲沼水新碧華林桃稍芳勝賞信
多歡戒之在無荒

中和節賜百官讌集因示所懷

至化恒在宥保和茲息人推誠撫諸夏與物長為春仲
月風景暖禁城花柳新芳時協金奏錫宴同羣臣絲竹
豈云樂忠賢惟所親庶洽朝野意曠然天下均

奉和聖製中和節曲江宴百寮
李泌

風俗有時變中和節惟新軒車雙闕下宴會曲江濱金
石何鏗鏘簪纓亦紛綸皇恩降自天品物咸知春慈惠
西寰瀛歌詠同君臣

奉和聖製賜百官宴示懷

權德輿

萬方慶嘉節宴喜皇澤均曉開萱葉初景麗星鳥春添
思貞百度著明並三辰物情舒在陽時令宏至仁衢酒
和樂被薰絃聲曲新廣歌武弁側永荷玄化醇

皇帝移晦日為中和節

呂渭

皇心不向晦改節號中和淑氣同風景嘉名別詠謠
湔裙移舊俗賜尺下新科歷象千年正醑醕四海多花隨
春令發鴻度歲陽過天地齊休慶歡聲欲盪波

中和節詔賜公卿尺

陸復禮

春仲令初吉歡樂大中皇恩貞百度寶尺賜羣公欲
使方隅法還令規矩同捧觀珍質麗拜受聖恩崇如荷
丘山重思酬分寸功從茲度天地與國慶無窮

又

李觀

淑節韶光媚皇明寵錫崇具寮頒玉尺成器幸良工豈
止尋常用將傳度量同人何不取則物亦賴其功紫翰
宣殊造丹誠勵匪躬奉之無失墜恩澤自天中

又

裴度

陽和行慶賜尺度及羣公荷寵承佳節傾心立大中短
長思合製遠近貴攸同共仰裁成德時酬分寸功作程
施有政垂範播無窮願續南山壽千春奉聖躬

吐蕃外館中和日寄朝中寮舊

呂溫

清時令節千官會絕域窮山一病夫遙想滿堂歌笑處
幾人緣我向西隅

二月一日是貞元舊節有感寄竇三盧七

同事先皇立玉墀中和舊節又支離今朝各自看花處
萬里遙知掩淚時

奉和御製中和節

以下
今詩

楊億

佳節更春晦長標令甲名天淵搖綠浪仙杏吐丹榮連
鼓將驚蟄高枝已變鶯雲謠傳下土漢曲被新聲

又

劉筠

載陽臨仲序初吉協嘉名國授民時正天資植物榮草
薰翔澤雉風暖度林鶯堯思存稽古洋洋播頌聲

又

晏殊

正元崇吉序寶歷記良辰營室彤曦轉勾芒令祀新堯
冀方告朔漢時更宜春莒葉農畊候如膏洒澤頻

春分

古詩二首
今詩二首

春分投簡明洞天作

元稹

中分春一半今日半春徂老惜光陰甚慵牽興緒孤偶
成投祕簡聊得泛平湖郡邑移仙界山川展畫圖旌旗
遮嶼浦士女滿閨閣似木吳兒勁如花越女姝牛儂驚
力直蠶妾笑睂盱怪我携章甫嘲人託鷓鴣閭閻隨地
勝風俗與華殊跣足泔流婦丫頭避役奴雕題雖少有
鷄卜尚多巫鄉味尤珍蛤家神愛事烏舟船通海嶠田
種遶城隅櫛比千艘合袈裟萬頃鋪亥茶聞小市漁火
隔深蘆日脚斜穿浪雲根遠曳蒲欵風花氣度新雨草

芽蘇粉壤梅辭萼紅含杏綴珠耨餘秧漸長燒後葑猶
枯綠綻高懸柳青錢密辦榆馴鷗眠淺瀨驚雉迸平蕪
水淨王餘見山空謝豹呼燕狂梢蛺蝶螟挂集蒲盧淺
碧鶴新卵深黃鵝嬾鷄邨扉門白板寺壁耀頰糊禹廟
纔離郭陳莊恰半途石帆何峭峽龍瑞本縈紆穴為探
符圻潭因失箭剗堤形鬱熨斗峰勢擁香爐幢蓋迎三
洞烟霞貯一壺桃枝蟠復直桑樹亞還扶鼈解稱從事
松堪作大夫榮光飄殿閣虛籟合笙竽庭狎仙翁鹿池

游縣令鳬君心除健羨扣席入虛無岡跼翻星紀章飛
動帝樞東皇提白日北斗下玄都騎吏芾皆紫科車幘
盡朱地侯鞭社伯海若跨天吳霧噴雷公怒烟揚竈鬼
趨投壺憐玉女喫飯笑麻姑果實經千歲衣裳重六銖
瓊盃傳素液金匕進雕胡掌裏乘來露枰中釣得鱸
生悲局促柯爛覺湏臾稊米休言聖醯鷄益一作伏愚
鼓輦催暝色簪組縛微軀遂別真徒侶還來世路衢題
詩歎城郭揮手謝妻孥幸有桃源近全家肯去無

次韻

白居易

青春行已半白日坐將徂越國強仍大稽城高且孤利

饒鹽煮海名勝鏡澄湖牛斗天垂象台明地展圖

天台四明

二山名

環竒填市井佳麗溢閨闈勾踐遺風霸西施舊俗

姝船頭龍天矯橋脚獸睢盱鄉味珍彭越時鮮貴鷓鴣

語言諸夏異衣服二方殊擣練蛾眉婢鳴榔蛙角奴江

清敵伊洛山翠勝荆巫華表雙栖鶴聯檣幾點烏烟波

分渡口雲樹接城隅澗遠松如畫洲平葑似鋪綠針秧

早稻紫笋圻新蘆暖踏沙中藕香尋石上蒲雨來萌盡
達雷後蟄全蘇柳眼黃絲類花房絳蠟珠林風新竹折
野燒老桑枯帶彈長條蕙錢穿短貫榆暄和生野菜卑
濕長街燕女浣紗相伴兒烹鯉一呼山魃啼稚子林狖
挂都廬產業論蚕蟻孽生計鴨雛泉岩雪飄洒苔壁錦
漫糊堰限舟航路堤通車馬途耶溪岼迴合禹廟逕盤
紆洞穴何因鑿星槎誰與剗石凹仙藥白峯峭佛香鑪
去為投金簡來因挈玉壺貴仍招客宿健未要人扶聞

望賢丞相儀形美丈夫前驅駐旌旆偏坐列筌竿刺史
襖翻隼尚書履曳鳧學禪超後有觀妙造虛無髻裡傳
僧寶環中得道樞登樓詩八韻置硯賦三都捧擁羅將
綺趨蹌紫與朱廟謀藏稷卨兵略貯孫吳令下三軍整
風高四海趨千家得慈母六郡事嚴姑重士過三哺輕
財抵一銖婆婆誰雲他自
在天衣重一銖送觥歌宛轉嘲妓笑盧胡佐
飲時魚鼈蠲醒數鱸膾醉鄉雖咫尺樂事亦須臾若不
中賢聖何由外智愚伊予一生志我爾百年軀江上三

千里城中十二衢，出多無伴侶歸祇對妻。孀白首青山約，抽身去得無。

春分後作

以下
今詩

沈邁

中分和煦半分侵，風惡桃枝已不禁。山雨晝昏千里目，野禽誰識一春心。手輪歷日憐時物，自覓詩題遣醉吟。花下潛夫聊自慰，幾人談笑對園林。

春分後雪

蘇軾

雪入春分省見稀，半開桃杏不勝威。應慙落地梅花濕。

却作漫天柳絮飛不分東君專節物故將新巧發陰機
從今造物尤難料更暖須留御臘衣

春社

古詩六首
今詩九首

州城西園入齋祠社

陳叔達

外壇預潔祀詰旦肅分司
違氣風霜積登光日色遲
農教先八政陽和秩四時
祈年服乘冕吉幣動褰帷
瘞地尊餘奠人天庶有資
椒蘭卒清酌簠簋徹香其
折俎分歸昨充庭降受釐
方憑知禮節況奉化雍熙

社日兼春分端居有懷

權德輿

清晝開簾坐風光處處生看花詩思發對酒客愁輕社日雙飛燕春分百轉鶯所思終不見還是一含情

社日題華嶽寺

貞元二十年正月二十五日自洛之京二月三日春社至華嶽

寺憩竇師院曾未踰月又復徂東謁竇師因題四韻

山前古寺臨長道來往淹留為愛山雙鶯營巢始西別
百花成子又東還暝駑羸馬頻看候曉聽鳴鷄欲度關
羞見竇師無外役竹窓依舊老身閒

嘉興社日

李商隱

消渴天涯寄病身
臨邛知我是何人
今年社日分餘肉
不值陳平又不均

社日早出赴祠祭

令狐楚

滿城人盡閒
惟我早開關
慙被家童問
因何別舊山

遭田父泥飲美嚴中丞

杜甫

步屢隨春風
邛邛自花柳
田翁逼社日
邀我嘗春酒
酒酣誇新尹
畜眼未見有
迴頭拍大男
渠是弓弩手
名在

飛騎籍長番歲時久前日放營農辛苦救衰朽差科死
則已誓不舉家走今年大作社拾遺能住否叫婦開大
瓶盆中為吾取感此氣揚揚須知風化首語多雖雜亂
說尹終在口朝來偶然出自卯將及酉久客惜人情如
何拒隣叟高聲索果栗欲起時被肘指揮過無禮未覺
邨野醜月出遮我留仍嗔問升斗

社日寄君庸主簿

以下
今詩

黃庭堅

花發社公雨陰寒殊未開初聞燕子語似報玉人來遮

眼使書冊逃
聾欠酒盃
傳聲習主簿
勤為撥春醅

次韻劉原甫社後對雪

梅堯臣

社日遇羣飲
北風歸馬驕
陽烏雲半晦
來燕翅難調
朝霞侵花冷
春英到地消
宿醒無酒解
薄被覺寒饒
爐炭重燃獸
衣裘更御貂
蟄宮中復閉
時鳥腹將朽
點綴何多思
輕狂不柰飄
唯知妍可玩
寧恤氣為妖
剡客偶然
與海鷗飛
次朝唱高
仍和寡公
又作長謠

次韻奉和永叔社日

玉卯不吞龍嗜肉鷺子成衣去華屋老樨半黃田鼓鳴
梅下宰平誰似玉茂陵嘗說泣秋風王母惜傳雙鬢綠
東隣社日思早歸長饑不及侏儒腹積豕新烹白醪熟
奮衣坐地無拘束驪山夜寒抗庑哭漫把漆書留冢竹

次韻和長文社日禡祀出城

曉出春風已擺條應逢社伯馬蹄驕壇邊宿雨微霑麥
水上殘冰擁遏橋燕子飛來依舊近雁行歸去試教調
北扉西掖多才思相與飄飄在沆寥

春社

年年迎社雨
淡淡洗林花
梅下賽田鼓
壇邊伺肉鵝
春醪朝共飲
野老暮相譁
燕子何時至
長臯點翅斜

五月十七日四鼓夢與孺人在宮庭謝恩至尊
令小黃門宣諭曰今日社卿喜此佳辰便可作
詩進來枕上口占

同謁未央殿
共霑明主恩
冤旒親日月
蹈舞荷乾坤
龍尾三重峻
螭頭幾級尊
德音欣社日
撫語走黃門
陰會

皆如實陽開不復存空餘破窓月流影到牀根

社日

欲社先知雨時歸未見花那能長作客夜夜夢還家

奉和聖製社日

晏殊

天官考歷占元日決寓祈農協盛時芟柞尚傳周室頌
粉榆仍秩漢家祠三農普遂耕耘樂萬室均承雨露滋
推策授人數景化穰穰喜貺億年期

社日

山郡多暇日社時放更歸坐客獨成悶行塘閱清輝春
風動高柳芳園掩夕扉遙思里中會心緒悵微微

歲時雜詠卷十

欽定四庫全書

歲時雜詠卷十一

宋 蒲積中 編

寒食上 古詩

詠寒食鬪鷄秦王教

杜 淹

寒食東郊道，揚韞競出籠。
花冠初照日，芥羽正生風。
顧敵心知勇，先鳴覺氣雄。
長翹頻埽陣，利距屢通中。
飛毛遍綠野，灑血散芳叢。
雖然百戰勝，會自不論功。

驩州風景不作寒食

沈佺期

海外無寒食春來不見錫洛陽新甲子何日是清明花
柳爭朝發軒車滿路迎帝鄉遙可念腸斷報親情

寒食還陸渾別業

宋之問

洛陽城裏花如雪陸渾山中今始發旦別河橋楊柳風
夕卧伊川桃李月伊川桃李正芳新寒食山中酒復春
野老不知堯舜力酣歌一曲太平人

寒食江州蒲塘驛

去年上巳洛橋邊今年寒食廬山曲遙憐鞦韆樹花應滿

復見吳洲草新綠吳洲春草蘭桂芳感物思歸懷故鄉
驛騎明朝宿何處猿聲今夜斷君腸

初到黃梅臨江驛

馬上逢寒食愁中屬暮春可憐江浦望不見洛橋人北
極懷明主南溟作逐臣故園腸斷處日夜柳條新

和宋十一臨江驛作

此首彙函作崔融後首作胡皓

春風自淮北寒食渡江南忽見潯陽水疑是宋家潭明
主闔難叫孤臣逐未堪遙思故園陌桃李正酣酣

宋司僉上巳日寒食題臨江驛篇見而有感率

爾同作

崔融

聞道山陰會仍為火忌辰途中甘棄日江上昔傷春流
水翻催淚寒灰更伴人丹心終不改白髮為誰新

寒食絕句

李崇嗣

普天皆滅焰匝地盡藏烟不知何處火來促客心燃

寒食應制

韋承慶

鳳城春色晚龍禁早暉通舊火收槐燧餘寒入桂宮鶯

帝正隱葉鷄鬪始開籠藹藹瑤山滿仙歌始樂風

初入秦川路逢寒食

明 皇

洛川芳樹映天津灞岸垂楊窳地新直為經過行樂處
不知虛度兩京春去年有閨今春早曙色和風著花草
可憐寒食與清明光輝併在長安道自從關路入秦川
爭道何人不戲鞭公子塗中妨蹴鞠佳人馬上廢鞦韆
渭水長橋今欲度蔥蔥漸見新豐樹遠看驪岫入雲霄
預想湯池起烟霧煙霧氛氲水殿開暫拂香輪歸去來

今歲清明行已晚明年寒食更相陪

應制奉和

張說

上陽柳色喚春歸臨渭桃花拂水飛
總為朝廷巡幸去頓教京洛少光輝
昨從分陝山南口馳道依依漸花柳
入關正投寒食前還京遂落清明後
路上天心共豫遊御前恩賜特風流
便幕那能鏤鷄子行宮善巧帖毛毬
渭橋南渡花如撲麥隴青青斷人目
漢家行樹置新豐秦地驪山抱溫谷
溫谷香池春溜平預歡浴日照京城

今歲隨宜過寒食明年倍宴作清明

奉和寒食應制

寒食春過半花穠鳥復嬌從來禁火日會接清明朝
鬪敵鷄殊勝爭毬馬絕調晴空數雲點香樹百風搖
改木迎新燧封田表舊燒皇情愛嘉節傳曲與簫韶

襄陽路逢寒食

去年寒食洞庭波今年寒食襄陽路不辭看處多山水
祇畏還家落春暮

寒食宴于中舍兄弟宅

蘇題

子推山上歌龍罷定國門前納駟來
始覩元昆鏘玉至旋聞季子佩刀迴
晴花處處因風起御柳條條向日開
自有長筵歡不極還持綵服詠南陔

常州崔使君和寒食夜

孫逖

聞道清明近春庭向夕開行游畫不厭
風物夜宜看斗柄更初轉梅香暗裏殘
無勞秉華燭清月在南端

和上已連寒食有懷京洛

天津御柳碧遙遙
軒騎相從半下朝
行樂光輝寒食借
太平歌舞晚春饒
紅粧樓下東郊道
青草洲邊南渡橋
坐見司空掃西第
看君侍從落花朝

寒食汜水山中作

王維

廣武城邊逢暮春
汶陽歸客淚沾巾
落花寂寂啼山鳥
楊柳青青渡水人

寒食城東即事

清溪一道穿桃李
演漾綠蒲涵白芷
涇上人家凡幾家

落花共落東家水蹴踘屢過飛鳥上鞦韆競出垂楊裏
少年分日作遨遊不用清明無上已

寒食

詩苑春秋作寒食懷介之推

盧象

子推言避世山火遂焚身四海同寒食千秋為一人深
冤何用道峻跡古無隣魂魄山河氣風雷御寓神光烟
榆柳滅怨曲龍蛇新可歎文公霸平生負此臣

寒食即事

王昌齡

晉陽寒食地風俗舊來傳雨滅龍蛇火春生鴻雁天猶

移卿仗出歌發舞雲旋西見之推廟空為人所憐

寒食

杜甫

寒食江村路風花高下飛江烟輕冉冉竹日淨暉暉田
父要皆去隣家行不違地偏相識盡鷄犬亦忘歸

一百五日夜對月

無家對寒食有淚如金波斫却月中桂清光應更多
此離放紅蕊想像青蛾牛女漫愁思秋期猶渡河

寒食夜蘇二宅

寒食明堪坐春參夕已垂好風經柳葉清月照花枝客
淚聞歌掩歸心畏酒知佳辰邀賞遍忽忽更何為

寒食日寄李補闕

郭 鄆

蘭陵士女滿晴川郊外行行拜古埏萬井閭閻皆禁火
九原松柏自生烟人間後事悲前事鏡裏今年老去年
介子終知祿不及王孫誰肯一相憐

寒食

盧 綸

孤客飄飄歲載華況逢寒食倍思家鶯啼遠樹多從柳

人哭荒墳亦有花濁水秦渠通渭急黃埃京洛上原斜
驅車西近長安好宮觀參差半隱霞

舟中寒食

寒食空江曲孤舟渺水前鬪鷄沙鳥異禁火岼花燃日
霽開愁望波喧警醉眠因看數莖髮倍欲惜芳年

寒食日即事

韓翃

春城無處不飛花寒食東風御柳斜日暮漢宮傳蠟燭
輕烟散入五侯家

寒食

韋應物

清明寒食好春園百卉開
綵繩拂花去輕毬度閣來
長歌送落日緩吹逐殘杯
非關無燭罷良為羈思催

寒食日寄諸弟

禁火暖佳辰念離獨傷抱
見此野田花心思杜陵道
聯騎定何時予今顏已老

寒食後北樓

園林過新節風花亂高閣
遙聞擊鼓聲蹴踘軍中樂

寒食

雨中禁火空齋冷
江上流鶯獨坐聽
把酒看花想諸弟
杜陵寒食草青青

寒食絕句

孟雲卿

二月江南花滿枝
他鄉寒食遠堪悲
貧居往往無烟火
不獨明朝為子推

寒食日恩賜火

竇叔向

恩光及小臣
華燭忽驚春
電影隨中使
星輝掛路人
幸

因榆柳暖一照草茅貧

平陵寄居再逢寒食

朱灣

幾回江上泣途窮每遇良辰歎轉蓬
火燧知從新節變灰心還與故人同
莫聽黃鳥愁啼處自有花開向客中
貧病固應無撓事但將懷抱醉春風

逼寒節寄崔七湖州崔使君之子

閒庭只是長莓苔三徑曾無車馬來
旅館尚愁寒食火羈心嬾向不燃灰
門前下客雖彈鋏溪畔窮魚且曝腮

他日趨庭應問禮須言陋巷有顏回

寒食日同陸處士行報德寺宿

釋皎然

古寺章陵下潛公住幾年安心生軟草灌頂引春泉寂
寂傳燈地寥寥禁火天世間多暗室白日為誰懸

和陳中丞使君長源寒食日作

寒食江天氣氣清庾公宸望動高情因逢禁火千家靜
更覩行春萬木榮深淺山容飛雨細縈紆水態拂雲輕
腰章本郡誰相似數日臨人政已成

寒食下第通簡長安故人

武元衡

柳挂九衢絲花飄萬里雪如何憔悴客對此芳菲節寒
食都人重勝遊相如獨自閉門愁嘗聞婁護因名達君
試將余問五侯

同陳六侍御寒食日遊禪定藏山上人院

年少輕行樂東城南陌頭多君寂寞意共作草堂遊

寒食野望

熊孺登

拜掃無過骨肉親一年惟此兩三辰塚頭莫種有花樹

春色不關泉下人

雨中寒食

羊士鏐

令節逢烟雨園亭但掩關
佳人宿粧薄芳樹絲繩閒
歸思偏消酒春寒為近山
花枝不可見別恨五陵間

寒食宴城北山池即故郡守鄭綱目為折柳亭

別館青山郭遊人折柳行
落花經上已細雨帶清明
鶗鴂流芳暗鴛鴦曲水平
歸心何處醉寶瑟有秦聲

寒食日獻郡守衛使君

伍唐珪

入門堪笑復堪憐
三選苔封一釣船
慚愧四隣教斷火
不知厨裏久無烟

小寒食舟中作

杜甫

佳辰強飲食猶寒
隱几蕭條戴鶻冠
春水船如天上坐
老年花似霧中看
娟娟戲蝶過閒幔
片片輕鷗下急湍
雲白山青萬餘里
愁看直北是長安

熟食日示宗文宗武

消渴遊江漢
羈棲尚甲兵
幾年逢熟食
萬里逼清明
松

栢印山路風花白帝城汝曹催我老回首泪縱橫

又示兩兒

令節成吾老他時見汝心浮生看物變為恨與年深長
葛書難得江州涕不禁團圓思弟妹行坐白頭吟

寒食行

寒食家家出古城老人看屋少年行丘壠年年無舊道
車徒散行入衰草牧童驅牛下塚頭畏有人家來灑掃
遠人無墳水頭祭還引婦姑望鄉拜三日無火燒紙錢

紙錢那得到黃泉但有壠土無新土此中白骨應無主
之任武陵寒食日途次寄劉員外

竇常

杏花榆莢曉風前雲際離離上峽船江轉數程淹驛騎
楚曾三戶少人烟看春又過清明節筭老重經癸巳年
幸得柱山當郡舍在朝長咏卜居篇

酬竇大員外松陵渡見寄之作

劉禹錫

楚鄉寒食橘花時野渡臨風駐綵旗
草色連雲人去住
水紋如縠燕參差
朱輪尚憶羣飛雉
青綬初懸左顧龜
非是湓城魚司馬
水曹何事與新詩

竇夔州見寄寒食日憶故姬小紅吹笙因和之
鸞聲窈窕管參差
清韵初調衆樂隨
幽院粧成花下弄
高樓月好夜深吹
忽驚暮槿飄零盡
唯有朝雲夢想期
聞道今年寒食日
東山舊路獨行遲

寒食夜

元稹

紅染桃花雪壓梨玲瓏鷄子鬪羸時今年不是明寒食
暗地鞦韆別有期

寒食日

今年寒食好風流此日一家同出遊碧水青山無限思
莫將心道是通州

寒食日毛定路示姪晦及從簡

我昔孩提從我兄我今衰向爾初成分明寄取原頭路
百世長須此路行

寒食夜有懷

寒食非短非長夜春風不熱不寒天可憐時節堪相憶
何況無燈各早眠

寒食月夜

風香露重梨花濕草舍無燈愁未入南郊北里歌吹時
獨倚柴門月中立

寒食江畔

草香河暖水雲晴風景令人憶帝京還似往年春氣味

不宜今日病心情聞鶯樹下沈吟立信馬江頭取次行
忽見紫桐花悵望下邳明日是清明

寒食夜

四十九年身老日一百五夜月明天抱膝思量何事在
癡男騷女喚鞦韆

途中寒食

許渾

處處哭聲悲行人馬亦遲店閒無火日村暖斫桑時泣
路同楊子燒山憶介推清明日是甘負故園期

歲時雜詠卷十一

欽定四庫全書

歲時雜詠卷十二

宋 蒲積中 編

寒食古詩

中書連直寒食不歸因懷元九 白居易

去歲清明日南巴古郡樓今年寒食夜西省鳳池頭併
上新人直難隨舊伴遊誠知視草貴未免對花愁鬢髮
莖莖白光陰寸寸流經春不同宿何異在忠州

送李校書赴寒食歸義興山居

大見騰騰詩酒客不憂生計似君稀到舍將何作寒食
滿船唯載樹栽歸

寒食洛下宴遊贈馮李二少尹

豐年寒食節美景洛陽城三尹皆强健七日盡清明東
郊踏青草南園攀紫荆風折海榴艷露墜木蘭英假開
春未老宴合日屢傾珠翠混花影管絃藏水聲佳會不
易得良辰亦難并聽吟歌暫輟看舞杯徐行米價賤如
土酒味濃於餽此時不盡醉但恐負平生殷勤二曹長

各奉一銀觥

病中多雨逢寒食

水國多陰常懶出老夫饒病愛閒眠
三旬卧度鶯花月一半春消風雨天
薄暮何人吹感策新晴幾處轉鞦韆
絲繩芳樹長如舊唯是年年換少年

洛陽寒食日作十韻

上苑風烟好中橋道路平
蹴毬塵不起潑火雨新晴
宿醉頭仍重晨游眼乍明
老慵雖省事春誘尚多情
遇客

踟躕立尋花取次行連錢嚼金勒鑿落瀉銀罌府醞傷
教送官娃喜要迎舞腰那及柳歌舌不如鶯鄉國真堪
戀光陰可合輕三年遇寒食盡在洛陽城

寒食

人老何所樂樂在歸鄉國我歸故園來九度逢寒食故
園在何處時館東城側四鄰梨花時二月伊紅色豈獨
好風土仍多舊親戚出去恣懽遊歸來聊燕息有官共
祿俸無事勞心力但恐憂隱多微躬消不得

翫半開花贈皇甫郎中

八年寒食日池東小樓上作

忽訝春來晚無煩花發遲人憐全盛日我愛半開時紫
蠅黏為蒂紅酥點作粧成都新夾纈梁漢碎燕支樹杪
真珠顆牆頭小女兒淺深粧駁落高下火參差蝶戲爭
香朶鶯啼遶穩枝好教郎作伴合共酒相隨醉翫無勝
此狂朝更讓誰猶殘少年興未似老人詩西月憑輕照
東風莫教吹明朝應爛熳後夜更離披林下遙相憶樓
前暗有期銜盃嚼蕊思唯我與君知

寒食日寄楊東川

不知楊六逢寒食作

音佐

庶歡娛過此辰
飛率寺高宜望

月嘉陵江近好遊春
蠻旌似火行
隨馬蜀妓如花坐
遠身不使黔婁夫婦看
誇張富貴向何人

病後寒食

故紗絳帳舊青氊
美酒醺醺引醉眠
抖擻弊袍春晚後
摩挲病脚日陽前行無筋力
尋山水坐少精神
聽管弦拋擲風光負寒食
曾來未省似今年

寒食日過棗糰店

寒食棗糰店春堤楊柳枝酒香留客住鶯語撩人詩困
立攀花久慵行上馬遲若為將此意前字與僧期

寒食夜寄姚侍御

張籍

貧官多寂寞不異野人居作酒和山藥教兒寫道書五
湖歸去遠百事病來疎況憶同懷客寒亭月上初

寒食日內宴

二首

朝光瑞氣滿宮樓綵繡魚龍四面稠廊下御廚分冷食

殿前香騎逐飛毬千官盡醉猶教坐百戲皆呈亦未休
共喜拜恩侵夜出金吾不敢問行由

城闕沈沈向晚寒恩當冷節賜餘歡瑞烟深處開三殿
香雨微時引百官寶樹樓前分綉幕綵花廊下映朱欄
空庭戲樂年年別已得三迴對御看

寒食看花

王建

早入空門到夜歸不因寒食少開時顛狂遶樹猿離鑠
踴躍緣崗馬斷羈酒污衣裳從客笑醉饒言語覓花知

老來自喜常無事仰面西園得詠詩

寒食憶歸

京中曹局無多事寒食貧兒要在家遮莫杏園勝別處
亦須歸看傍邨花

寒食

綠楊枝上五絲繩枝弱春多顧不勝惟有一年寒食日
女郎相喚擺階癰

寒食後

田舍清明日家家出火遲白衫眠古巷紅紫搭高枝紗帶生難結銅釵重易垂斬新衣著盡還似去年時

寒食書事

二首

今朝一百五出戶雨初晴舞愛雙飛蝶歌聞數里鶯江深青草岼花滿白雲城為政多孱懦應無酷吏名

出城烟火少況復是今朝雨坐將誰語臨觴只自謠堦前春蘚偏衣上落花飄妓樂州人戲使君心寂寥

寒食城南卽事因訪藍田韋明府殷堯藩

閒出城南禁火天路傍騎馬獨搖鞭青松古墓傷碑碣
紅杏春園羨管絃徒說鷓鴣膏玉劍漫誇蚨血點銅錢
世間盡是悠悠事且飲韋家冷酒眠

建元寺

寺在常州東郭松扉竹院各在崗阜地甚踈野郊外無歲寒食時里人猶埽徑

過之大歷中詩人郭邱曾賦寒食詩贈吏部先是當時以為絕唱嘗在兒童即聞此詩非欲和

蓋記事

因書

江城物候傷心地遠寺經過禁火辰芳草壠邊回首客
野花叢裡斷腸人紫荊繁艷空門畫紅藥深開古殿春

歎惜光陰催白髮莫悲風月獨沾巾

寒食後憶山中

遙思寒食後野老林下醉月照一山明風飄百花氣幽
泉與萬籟髣髴疑簫吹不待曙華分已應喧鳥至

寒食日三殿侍宴奉進

宛轉龍歌節差池燕羽高風光搖禁柳霽色暖宮桃春
露明仙掌晨霞照日袍雪凝陳組練林植聳干旄黃鶴
初蹠鳳神仙欲抃黿鳴霞朱鷺起疊鼓紫騮豪象舞嚴金

鎧豐歌耀寶刀不勞孫子法自得太公韜

已上奉述內樂破陳樂

分席羅玄冕行觴舉綠醪殼中時落羽幢末乍昇獬豸

景開陰翳薰風散鬱陶天顏歡益晬臣節罄忘勞楷矢

方來貢雕弓已載橐武威揚絕漠神筭靜臨洮

已上四句奉述

北敵款塞西域畏威

赤縣陽和布蒼生雨露膏野平唯秀麥田闢

久無蒿祿秩榮三事功勤之一毫寢謀慙汲黯秉羽嫺

孫教煥若遊玄圃懽如享太牢輕生何以報只自比鴻

毛

寒食野望

李郢

舊墳新隴笑多時
流世都堪幾度飛
鳥鳥亂啼人未遠
野風吹散白棠梨

寒食節日寄楚望

二首

溫庭筠

芳蘭無意綠
弱柳何窮縷
心斷入淮山
夢長穿楚雨
繁花如二八
好月當三五
愁碧竟平臯
韶紅換幽圃
流鶯隱負樹
乳燕喧餘哺
曠望戀層臺
離憂集環堵
當年不自遣
晚得終何補
鄭谷有樵蘇
歸來要腰斧

家乏兩千萬時當一百五颼颼楊柳風
灩灩櫻桃雨年芳苦沈燎心事如摧魯
金犢近瀾汀銅龍接花塢青蔥建楊宅
隱幃端門鼓綵索拂庭柯輕毬落鄰圃
三春謝遊衍一笑牽規矩獨有恩澤侯
歸來看楚舞

寒食前有懷

萬物鮮華雨乍晴春寒寂歷近清明
殘芳荏苒雙飛蝶曉睡朦朧百轉鶯
舊侶不歸來獨酌故園雖在有誰耕
悠然更起嚴灘恨一宿東風蕙草生

寒食日作

紅深綠暗遙相交，抱暖含春披紫袍。
綵索平時墻婉婉，輕裘落處脫寥寥。
窻中草色妬鷄卵，盤上芹泥憎燕巢。
自有玉機芳意在，不能騎馬度烟郊。

走筆答評事翁家賜餽粥

李商隱

粥香餚白杏花天，省對流鶯坐綺筵。
今日寄來春已老，鳳樓迢遞憶鞦韆。

寒食行次冷泉驛

歸途仍近節旅思倍思家獨夜三更月空庭一樹花介
山當驛秀汾水遶關斜自怯春寒苦那堪禁火賒

禁火

薛逢

日月冒烟塵忽忽禁火辰塞榆關水濕邊草賊回春歲
月傷行邁瘡痍念苦辛沙中看白骨腸斷故鄉人

寒食夜池上對月懷友

雍陶

人間多別離處處是相思海內無烟夜天涯有月時跳
魚翻荇葉驚鳥出花枝親友皆千里三更獨遶池

寒食

趙嘏

折柳城邊起暮愁，可憐春色獨懷羞。
霑襟正歎人間事，回首更慙江上鷗。
鷓鴣聲中寒食酒，芙蓉花外夕陽樓。
憑高滿眼送清渭，去傍故山山下流。

寒食新豐別友

一百五日家未歸，新豐鷄犬獨依依。
滿樓春色傍人醉，半夜雨聲前計非。
繚繞溝塍含綠晚，荒涼樹石向川微。
東風吹汨對花落，憔悴故交相見稀。

東都居寒食下作

陳潤

江南寒食早三月杜鵑鳴日暖山初綠春寒雨欲晴浴
蚕看社日改火待清明更喜瓜田好令人憶邵平

寒食遣懷

張燦

繁花泣清露悄悄落衣巾明日逢寒食春風見故人病
來羞滯楚西去欲迷秦憔悴此時夜青山歸四隣

寒食山館書情

獨把一盃山館中每經時節恨飄蓬侵堦草色連朝雨

滿地愁花昨夜風
蜀魄啼來春寂寞
楚囚吟後月朦朧
分明記得還家夢
徐孺宅前湘水東

越中遇寒食

施肩吾

去歲清明雪溪口
今朝寒食鏡湖西
信知天地心不易
還有子規依舊啼

樊川寒食

喻鳧

新和抽綠草
古栢翳黃沙
珮珂客驚鳥
綺羅人間花
塵南北馬
碾石去來車
川晚悲風動
墳前碎紙斜

寒食日郊外

雲表

寒食悲看郭外春
野田無處不傷神
平原累累添新塚
總是年來吾哭人

寒食日東陽道中作

方干

百花香氣傍行人
花底垂鞭日易曛
野火不知寒食節
穿林轉壑自燒雲

寒食日十二時亥時

李宣古

人定朱門尚半開
初星粲粲點昭回
此時寒食無燈燭

花柳蒼蒼月欲來

寒食

薛能

美人寒食事春風折盡青青賞盡紅
夜半無燈還不寐
鞦韆懸在月明中

寒食日曲江

曲江地邊青草畔春風林下落花杯
都門此日是寒食
人去看多身獨來

寒食日有懷

流落傷寒食登臨望歲華
邨毬高過索墳樹綠和花
晉聚應搜火秦喧定走車
誰知恨榆柳風景似吾家

新定陪太守一百五夜南館玩月

陸龜蒙

風雨殺春處處傷
一宵雲盡見滄浪
全無片燭侵光彩
只有青灘助雪霜
烟蔽棹歌歸浦溆
露將花影到衣裳
却嫌殷浩南樓夕
一帶秋聲入恨長

洛中寒食

二首

皮日休

千門萬戶掩斜暉
綉幃金銜晚未歸
擊鞠王孫如錦地

鬪鷄公子似花衣
嵩雲靜對行臺起
浴鳥閒穿上苑飛
唯有路傍無意者
獻書未納問淮淝

遠近垂楊映鈿車
天涯橋影壓神霞
美春公子正回首
趑節行人不到家
洛水萬年雲母竹
漢陵千載野棠花
欲知豪貴堪愁處
請看却山晚照斜

登第後寒食杏園有宴因寄錄事宋垂文同年
雨洗清明萬象鮮
滿城車馬簇紅筵
恩榮雖得陪高會
料禁惟憂犯列仙
當醉不知開火日
正貧那似看花年

搃來恐被青娥笑未納春風一宴錢

次韵酬張補闕俯臨寒食見寄

鄭谷

柳近清明翠縷長多情右袞不相忘
開絨雖覩新篇麗破鼻湏聞冷酒香
時態頗隨人上下花心甘被蝶分張
朝稀旦莫輕春賞勝事由來在帝鄉

鍾陵寒食日與同年裴顏李先輩鄭校書郊外

同遊

二首

曹松

寒節鍾陵香騎隨同年相命楚江湄
雲間預過秋千女

地上聲喧蹴鞠兒何處寄烟歸草色誰家送火在花枝
銀瓶冷酒皆傾盡早卧垂楊自不知

可憐時節足風情杏子粥香如冷餠無柰無風偷舊火
遍教人喚作山櫻

寒食日題杜鵑花

一朵又一朵併開寒食時誰家不禁火捻在此花枝

寒食洛陽道

吳融

路岐無樂處時節倍思家綵索颺輕吹黃鸝啼落花連

軌馳寶馬歷轆轤香車紆客賸回首看看春日斜

寒食夜

韓偓

惻惻輕寒剪剪風小桃如雪杏花紅夜深斜搭秋千索
樓閣朦朧烟雨中

避地寒食

避地淹留已自悲況逢寒食欲霑衣濃春孤館人愁坐
斜日空園花亂飛跡辱漸憂知己薄時危又與賞心違
一名所繫無窮事爭敢當年便息機

寒食日沙縣雨中看薔薇

何處遇薔薇殊鄉冷節時雨聲籠錦帳風勢偃羅帷
通體全無力酡顏不自持綠疎微露刺紅密欲藏枝
愜意憑欄久貪吟放盞遲官人應見訝自醉自題詩

鞦韆二首

池塘夜歇清明雨遶院無塵近花塢五絲繩繫出牆遲
力盡纔瞋見隣圃下來嬌喘未能調斜倚朱欄久無語
無語無動所思愁轉眼看天一長吐

鞦韆打困解羅裙
拍點醞醕索一樽
見客入來和笑走
手搓梅子映中門

寒食夜有寄

風流大底是倂倂
此際相思必斷腸
雲薄月昏寒食夜
隔簾微雨杏花香

寒食日重遊李氏林亭有懷

往年曾在彎橋上
見倚朱欄詠柳綿
今日獨來香徑裏
更無人跡有苔錢
傷心濶別三千里
屈指思量四五年

料得他鄉遇佳節亦應懷抱暗淒然

寒食 二首

李山甫

柳帶東風一向斜春陰澹澹蔽人家
有時三點兩點雨到處十枝五枝花
萬井樓臺疑彩畫九原珠翠似煙霞
年年今日誰相問獨卧長安泣歲華

風煙放蕩花披猖秋千女兒飛出牆
綉袍馳馬掇遺翠錦袖鬪鷄喧廣場
天地氣和融霽色池臺日暖繞春光
自憐塵土無多事空脫荷衣泥醉鄉

寒食日早出城東

羅隱

青門欲曙天車蓋已喧填
禁柳梳風細牆花拆露鮮
向誰誇麗景只此是流年
不得高飛便迴頭望紙鳶

丙辰年鄜州寒食城外醉吟

五首

韋莊

滿街楊柳綠絲煙畫出清明二月天
好是隔簾花樹動
女郎撩亂送鞦韆

淮陰寒食足遊人
金鳳羅衣濕麝燠腸斷入城芳草路

澹紅香白一羣羣

開元坡下日初斜
拜埽歸來走鈿車
可惜數枝紅艷好
不知今夜落誰家

馬驕風疾玉鞭長
過去唯留一陣香
閒客不須燒破眼
好花曾屬富家郎

雨絲烟柳欲清明
金屋人閒暖鳳笙
永夜迢迢無一事
隔街聞蹴氣毬聲

寒食都門作

胡曾

二年寒食住金華
寓目春風萬萬家
金絡馬銜原上草
玉釵人折路傍花
軒車競出紅塵合
冠蓋爭回白日斜
誰念都門兩行淚
故園寥落在長沙

樊川寒食二首


盧延讓

寒食權豪盡出門
一川如畫雨初晴
誰家金絡遊春盛
擔入花間輶輶聲

鞍馬和花總是塵
歌聲處處有佳人
五陵年少粗于事
栲櫟量金買斷春

寒食日戲贈李曉侍御

十二月如市紅塵咽不開
洒蹄驄馬汗沒處看花來



歲時雜咏卷十二

欽定四庫全書

集部

歲時雜詠卷十三至十五

詳校官庶吉士臣柳邁祖

助教臣常循覆勘

總校官中書臣朱鈐

校對官典簿臣郭祚熾

謄錄監生臣楊其梓

欽定四庫全書

歲時雜詠卷十三

宋 蒲積中 編

寒食今詩

作詩寄王晉卿忽憶前年寒食北城之遊走筆

為此詩

蘓軾

北城寒食煙火微落花蝴蝶作團飛王孫出遊樂忘歸
前門驄馬紫金勒吹笙帳底煙霏霏行人舉動誰敢睇
拍門狂客君不麾更遣傾城出翠幃書生老眼省見稀

畫圖但覺周昉肥前來春物已再菲西望不見紅日圍
何時東山歌采薇把盞一聽金縷衣

寒食雨 二首

自我來黃州已過三寒食年年欲惜春春去不容惜今
年又苦雨兩月秋蕭瑟卧聞海棠花泥污燕脂雪暗中
偷負去夜半真有力何殊病少年疾起頭已白

春江欲入戶雨勢來不已小屋如漁舟濛濛水雲裏空
庖煮寒菜破竈燒濕葦那知是寒食但見烏銜紙君門

深九重墳墓在萬里也擬哭塗窮死灰吹不起

徐使君分新火

臨臯亭中一危坐三見清明改新火溝中枯木應笑人
鑽灼不愁誰似我黃州使君憐久病分我五更紅一朶
從來破釜躍江魚只有清詩嘲飯顆起攜燭炬遶空屋
願事烹煎無一可爲公分作無盡燈照破十方昏暗鎖

和子由寒食

寒食今年二月晦樹林深翠已生煙遶城駿馬誰能借

到處名園意盡便但掛酒壺那計盞偶題詩句不須編
忽聞啼鵲驚羈旅江上何人治廢田

寒食與器之游南塔寺寂照堂

城南鐘鼓鬪清新端為投荒洗瘴塵總是鏡空堂上客
誰為寂照鏡中人紅英埽地風驚曉綠葉成陰雨洗春
記取明年作寒食杏花曾與此為隣

和代器之

雨過郊原一番新尋芳車馬踏無塵普天冷食聞前古

蕭寺清游屬兩人，不作佳期陽親歷。頗同之間感餘春，
明年歸籍梨花上，應會羣姻及四隣。

寒食遊湖上

集本作寒食未明至湖上
太守未來兩縣令先在

城頭月落尚啼烏，烏傍紅船早滿湖。鼓吹未容迎五馬，
水雲先已颺雙鳬。映山黃帽螭頭舫，夾道青煙鵲尾爐。
久病逢春只思睡，且求僧榻寄須臾。

寒食日答公擇三首

從來蘇李得名雙，只恐全齊笑陋邦。詩似懸河供不辦，

故欺張籍墮頭寵

簿書聲鼓不知春佳句相呼賴故人
寒食德公方上冢
歸來誰主復誰賓

巡城已困塵埃眯執扑仍遭蟻虱緣
欲脫布衫携素手
試開病眼點黃蓮

寒食遊南湖

三首

春睡午方覺隔牆聞樂聲肩輿試扶病
盡舫聽徐行適
性逢樽酒開懷憶友生遊人定相笑
白髮近縱橫

遶郭春水滿坡堤新柳黃官池無禁約野艇得飛揚浪
泛歌聲遠花浮酒氣香晚風歸棹急細雨濕紅粧

攜手臨池路時逢賣酒壚柳斜低繫纜草綠薦傾壺波
蕩春心遠風吹酒力無冠裳強包裹半醉遣誰扶

寒食前一日寄仇池

寒食明朝一百五誰家冉冉尚厨煙桃花開盡葉初綠
燕子飛來體自便愛客漸能陪痛飲讀書無思嬾開編
秦川雪盡南山出思共肩輿看麥田

寒食御筵口號 二首

司馬光

雨意沉沉潑水餘，夔龍盛集退朝初。
酒聲絡繹來丹禁，冠劍叅差下玉除。
紫鳳歸飛雲爛熳，黃鸝新嚀柳扶疎。
麥禾滿野邊烽息，佳節何妨賦樂胥。

聖主褒優賜軸臣，金觴玉醴照青春。
萬家煙火朝來靜，九陌風光雨後新。
飛燕高翻驚紫綬，餘花點綴託朱輪。
問牛因得觀民俗，不獨嬉遊惜令辰。

次韻和韓子華寒食休沐與諸公會趙令園暮

歸馬上偶成

冠蓋連翩陌上來，風光爛漫擁樓臺。
玉卮貯酒隨宜飲，綺席尋花解處開。
小雨前宵先潑火，季春明日又吹灰。
須知勝集人間少，惆悵金羈容易回。

寒辰許昌道中寄幕府諸君

原上煙蕪淡復濃，寂寥佳節思無窮。
竹林近水半邊綠，桃樹連村一片紅。
盡日解鞍山店雨，晚天迴首酒旗風。
遙知幕府清明飲，應笑區區羈旅中。

寒食南宮夜飲

積旬留省署容易慶春華芳草踏青晚長楸行樂賒雲
疎時送雨風細闇飛花直有黃金百無因過酒家

寒食遊南園獨飲

寒食良辰無賞心雜花爛漫柳成陰若非獨酌酬佳景
一日風光直萬金

花山寒食

歐陽修

客路逢寒食花山不見花歸心隨北雁先向洛陽家

寒食

宋 白

山上杏花飛階前柳線垂欲歸歸未得羞見鴈歸時

壬辰寒食

王安石

寒食似楊柳春風千萬條更傾寒食淚欲漲冶城潮白
髮雪爭出朱顏金早凋未知軒冕樂但欲老漁樵

湖州寒食日陪太守南園宴 梅堯臣

寒食二月三月交紅桃破蓋柳染稍陰晴不定野雲密
點點鼓聲湖岸均使君千騎出南圃歌吹前導後鳴鐃

是時輒預車馬未傾市競觀民業拋竹亭臨水美可愛
嗑啞草木皆吐苞遊人春服靚妝出笑踏俚歌相與嘲
使君白髮體尤健自晨及暮奏酒肴爾輩少年翻易倦
倚席欠伸誰得教公雖不責以正禮我意未容誠斗筭
逡巡秉燭各分散小人爭路何叟叟

依韻和禁煙近事之什

狂風暴雨已頻過近水梨雲著未多窈窕踏歌相把袂
輕浮賭勝各飛堦閒牽白日遊絲颺細幕黃金舞帶拖

小苑芳菲花鬪藥華堂嘲哢燕爭窠西州駿馬頭如駸
南國佳人領似搓結客追隨傾畫榼分用游樂藉青莎
鞦韆競打遺鈿翠芍藥將開剪纈羅我病乞求新火炙
無心更聽竹枝歌

寒食

墳塚徧青山高低占原谷向來路已荒今迷問樵牧
水到雲林隔岡聞近哭沃酒白楊下悲風何颼颼雨止
梨園殘鳩聲在茅屋

依韻和寒食偶書

去歲逢今日雨寒田舍家繫驄烏桤樹燒眼杜鵑花轉
塢泥濘滑迷村草徑又旋挑初出筍謾搗自生茶農斧
穿梨獻齒牛童綰髻了鄉園方在遠看及種胡麻

依韻和李舍人旅中寒食感事

一百五日風雨急斜飄細濕春郊衣梨花半殘意思少
客子漸老尋游非戢戢車徒幾門感寥寥燭火萬家微
今朝甘自居窮巷無限墻間得醉歸

何陰中寨寒食

擊柝聲初絕為魚夢已殘幽禽弄清曉宿雨度餘寒
爨火明千竈風旗展一竿歸心慙社燕自歎此微官

寒食日過荆山

山郵難禁火嶺樹自生煙嗚咽同歸櫓悲哀欲問天
泣親非泣玉流淚劇流泉春鰲橫刀鱸何心更食鮮

寒食前一日陪希深遠遊大字院

一百五將近千門煙火微閒過少傳宅喜見老萊衣
曉

雨竹間霽春禽花上飛
禪庭清溜滿幽興自忘歸

再至洛中寒食

西洛遇寒食依依似昔年
千門方禁火九野自生煙
飄泊梨花雨追隨杏葉鶉
遊人莫惜醉風景滿伊川

宋次道一百五日往鄭拜墓

去不避春雨泣望松栢門
颺然風悲響如感泉下魂
沃酹向墳上空濕陳草根
人歸夜月冷石馬在九原

一百五日歌

山民歲時事莽鹵猶知拜掃一百五平明士女出城闔
黃土岡前列樽俎翦苞粉餌蒸野蔬富家烹羊貧薦魚
日暮肩輿踏風雨江鄉人家無犢車插花飲酒山邊市
醉後歌聲動隣里南人聞歌笑相語一作尋北人聞歌汨
滿襟

江城寒食近

江城寒食近風雨作輕寒花落已可惜春衣又怯單畏
人成不出已老自無懽沽酒金明道回頭十五年

自二月末苦雨前一日始晴視園中花殊不敗

口占

春雲霽霽弄朝暉清峭餘寒透夾衣最喜園花渾似舊
十分春色一分歸

十八日寒食

寒食清明人意閒春城士女出班班柳黃花自樓臺外
紫翠江南數疊山

雨中 三首

手種堦前樹今朝亦見花春陰寒食節陋巷逐臣家欲
酌消愁酒先澆破睡茶游人歸踏雨里巷晚喧嘩

節物只自好客心何颯然早風清野市夜雨濕江天破
屋疎茅滴空厨濕葦煙政煩一杯酒相與慶流年

庭院輕寒春雨過江城寒食野花飛故園北望一千里
極目江楓客未歸

寒食後東園游人甚盛因賦二首

芳物忽過半寒食已闌珊園靜鳴鳥下花稀新葉繁焚

香翻貝葉謝客掩柴關止酒方清坐畦蔬助晚餐

朝寒却覺春衣薄禪誦還將酒盞疎落盡江城千樹雪
門前楊柳已藏烏

黃人謂寒食上冢為澆山其祭饌多用蓴燕菜
事已則鳴鉦而歸因成

携酒澆山去鳴鉦徹祭歸青蔬燕裏弱白酒市無旗多

私醞不日暮人皆醉夜深歌似啼上冢歸則路歌還聲似悲泣故人

書問我何用久居夷

寒食前一日大雨不止

寒食窮愁嘆陋邦可憐終日雨淙淙不妨農畝雲連稼
獨惜園花錦脫粧最苦繁聲欺陋巷願看晴色放春江
明朝日出誰能料已喜燈光照夜窓

寒食

荒山野水非吾土寒食清明似去年楊柳挿門人競笑

吳兒不信子推賢

黃有效此方作子推挿柳者人笑之

寒食離白沙二首

莫驚客路已經年尚有青春一半妍
試上芳堤望春野
萬絲楊柳拂晴天

花枝裊裊水溶溶楊柳輕明二月風景物可憐人寂寞
年年寒食醉眠中

寒食日同婦子輩東園小宴 二首

寒食無與樂携孥宴小園青春積雨闌白日萬花繁
時節悲江國窮愁滯酒樽故鄉終在眼樂事得重論

寒食招和叔遊園

蘇舜欽

興鄉風俗傷嘉節久客情懷喜友人共挈一樽諸處賞
誰家得似故園春

寒食阻風

曾 鞏

畫船齊泊倚青山正值春風阻往還江作鼓鼙聲浩渺
樹為戎障綠回環幽花婀娜偏宜眼啼鳥交加亦解顏
使者文章才不淺盡將摸措寄柴關

寒食假中作

宋 祁

九門煙樹蔽春塵小雨初殘潑火前草色引開盤馬路

簫聲催暖賣錫天
紫絲早絮輕無著
弄袖和風細不憐
鰲署侍臣貪出沐
泯麋珠餽愧頒宣

寒食野外書所見

一雨初回逗曉涼
近郊連帶儼相望
乞漿易醉墻間客
廝養初閒竈下郎
暖吹未休緣迥野
低煙不散為垂楊
家家鐘鼓爭行樂
肯信龍蛇是怨章

寒食始長

四海秋風晚
千門夜刻長
桐梧老空井
蟋蟀近人牀
晴

燭勤垂燼離鴻短趁行生平江海志耿耿未渠央

寒食日送李公佐歸漢東

有客改南轅春郊駐祖筵
罇寒禁火國風煖浴沂天茂
草年無際殘花慘更妍
鹿鳴偕計近簪盍約初年

寒食夜偶題

前庭露氣壓輕埃風砌花陰聚
復開苦恨浮雲心不淨
月中時污太清來

寒食東城作

晏殊

王城百五車馬繁重帷黝幕紛郊原游人得意惜光景
恣尋複樹登高軒平蕪遠水知何許眼入迢迢空處所
梨花澹艷柳絲長百計撩春作煙雨歌哭聲中半落暉
琬鞍綉轡尚遲歸荒田野草人間事誰向伶玄淚滿衣

寒食遊王氏城東園林因寄王虞部

謝墅林亭汴水濱偶携佳客共尋春看花便擬思君子
對竹何曾問主人促席正逢羲日暖酡顏仍有郢醪醇
朝中九列無門暇願作新詩贈季倫

次韻和參政陳給事寒食杜門感懷二首

班班疎雨欲晴天迴避春風入醉眠
新火未來絲閣靜砌苔窻樹兩依然

謝堂新句入清歌雨箔風簾有燕過
未免芳辰嘆心賞始知猶患陸才多

渝南寒食

賈宗諒

異地逢寒食客情誰與儔
心搖隴雲下身寄楚江頭
落絮絲絲恨飛花片片愁
東風似相念終日倚扁舟

禁煙即事

謝景初

時節一百五疾風收雨天鳥催青帝馭人重子推錢蹴
踴逢南陌鞦韆送晚煙墻間無限醉唯我獨蕭然

寒食梨花小飲

蔡襄

江南寒薄春常早花卉入春先自老嗟予衰病不及時
出見園池半青草縱有餘葩在葉間行看落片隨風掃
尋春已過索寞歸重憶歡娛耿懷抱雖然妖艷難再得
但只逢花須醉倒二月中寒食朝墻隈忽見梨花飄

開門四顧粲然白，傳催翠奕賓朋招。長吟環遶不知數，
漸值明月臨清宵。誰翦輕雲成碎葉，天留密雪封枯條。
重重盡挂珠璣珞，簌簌初呈玉步搖。傍花行酒發新唱，
滿座例舉黃金瓢。西都姚黃高一尺，揚州寶髻分雙翹。
幽香絕艷信尤物，設欲致之千里遙。壁間寫生亦名畫，
未免五彩塗鰐鮪。莫如此君，愜人意相對一笑開，無慘
古來英豪多感激。坐使綠鬢共顏彫，勸君且作梨花飲。
慎勿稱量別品流。

寒食西湖

山前雨氣曉終收
水際風光醉欲流
盡日旌旗停曲岸
滿潭鈺鼓競飛舟
浮來煙島疑相就
引去沙禽好自由
歸騎不令歌吹歇
萬枝燈燭度花樓

寒食遊公謹園池

二月名園翳鬱清
為憐佳節此閒行
偶因觴詠心還適
暫離塵埃眼倍明
風靜落花深一寸
日遲啼鳥度千聲
主公高意何須道
芳物於人自有情

寒食樂詞

皇州令節已藏煙帝渥乘時錫廣筵和氣去添春色重
恩光來助月華鮮千聲鳳吹朱門裏一種花香穀雨前
更喜簪裳嘉宴日親逢千羽治平年

次韻和柳之寒食二首

白子儀

良辰今日正寒食收拾賓槃宜再三落筆唱疇宜不倦
把花醒醉亦何慙客來常滿眼無白人道半痴心所甘
此自幸是禁煙芳節在接羅倒戴定能堪
謂也

餘花茂草引醺酣
禮節休言爵止三
芳歲再逢雖強笑
少年相對但多慙
尚驅俗駕終何適
不闢愁門却未甘
難把長繩繫春日
若非觴竿更誰堪

寒食值雨

梁 穎

春波微綠草連門
寒食煙光可斷魂
細雨隔簾煙火滅
落花風動欲黃昏

寒食寓懷

明日一百五春風
餘幾何愁隨新火
出病憶故人多草

色墻陰合花香宿雨和取懷殊不寐終夕扣壺歌

奉和聖製寒食五七言

各一首

劉筠

垣禁申嚴日餘萌盡達初蹋青游騎遠浮棗楔波舒錫
市喧簫吹鷄場隘酒車俗康春更樂綺榭煥晴虛

黍盤交薦藏煙日絲雨微沾解襖辰家有鞦韆憐月夕
戶垂楊柳慶芳春波浮素卵祥蘭馥壟戲名羣瑞麥新
千里神畿多勝賞熙熙胥會可封民

山中寒食二首

方塘波渌杜蘅青
布穀提壺已足聽
有客新嘗寒具罷
據梧慵復散幽徑

氣象纔過一百五
且持春酒養衰年
中林不是不禁火
其奈山櫻發欲然

禁煙遊園

劉攽

寒食風光雨斂塵
病餘寒極強頌春
傳呼廣陌雙搖旆
乘興名園一柅輪
列座賓寮皆俊雅
遠池花木盡奇珍

長吟淺醉歸時晚
蠟炬熒煌改火新

許州寒食

濯嬰臺畔路憧憧
寒食追遊喜退公
堤柳媚煙行細綠
野橋橫水陣殘紅
鞦韆冷颺梨花雨
蹴鞠高騰燕子風
幾處笙歌幾家哭
却愁迴馬夕陽中

寒食

魏野

清明時節出郊原
寂寂山城柳映門
木隔淡煙疎竹寺
路經微雨落花村
天寒酒薄難成醉
地迫臺高易斷魂

回首故人千里外別離心緒向誰論

同前

汪元量

年年于此日未有不傷嗟何處未歸客滿頭猶戴花折
碑橫道路亂葬遠人家向暮香車散春風細雨斜

寒食雨

楊齊

一片春陰一倍寒萬家春色寂無煙冷催杜宇朝相咲
寒逼嫦娥夜不圓添得山房澆藥水負他公子賞花天
東君欲助之推怨泪濕垂楊恨不眠

寒食野外

寒食人家事踏青偶驅羸馬出郊垌禽聲喚雨嬌相語
天色和春困不醒芳草碧來絲作毯好花紅處錦為屏
回頭盡角江城晚人倚秋千月半庭

寒食偶成

余安行

海角逢寒食春風氣尚寒異鄉追往事遠客少情歡雅
子今趨闕吾身盍掛冠老來諸事怯煮冷作朝食

寒食雨晴書事

趙崇礪

如何夜來雨欲妬清明天皎皎日華曉千門羅管絃風
吹綺襦艷深入楊柳煙我與君子意歸心皆浩然

寒食日見海榴花感懷遣興

沈邁

東皇六轡不停撾三月嘉期已及瓜鳳華未頽春院玉
海榴驚見夏亭花年光轉轂真堪惜恨景循環慢自嘉
壯士不妨頻感慨騷人風詠正而葩

寒食後雜詠

百歲窓孺看馬軍三分春色半分存人防白髮無靈藥
花到明年有宿根藥殿角宮蜂鼓吹土囊襁褓竹兒臨
風流不及芸芸物勝物都盧只酒樽

寒食

三月亂花飛煤煙禁此時屠家占大火風土醮之推故
事何勞問芳辰獨可追香陰陳熟食日煖有瑤卮

寒食日蘇林同馬中玉提刑過訪有詩示怡然
并余次韻之作

釋道潛

使君薄珪組富貴良易足一麾下東南千里爭拭目援
毫賦山水詞力瀉溪谷勝游便杖屨聒耳厭絲竹西湖
破春冰曉漲翻暗綠相將二使輶遵從還屏還後先度
巖壑鵝鳩追鸞鵠樂事殊未央酒行宜偈促風流俄醉
舞客坐嗒頽玉嵇阮真達生秦唐漫歌哭斜陽絕湖去
兩槳凌波速速却尋天然居隱隱隔喬木到門呼主人展
畫滿高屋夕鼓來遠近雨聲飄斷續藍輿入城市夾道
開燈燭盛事在餘杭他年見圖錄

寒食二日與王仲聖同會李觀察池上分韻得

風字

秦觀

經春抱病百端慵偶到平陽舊地中池籩信為三輔冠
杯盤真有五陵風美人賦韻分春色上客揮毫奪化工
報老漸於花柳薄但憐流水碧相通

歲時雜詠卷十三

欽定四庫全書

歲時雜詠卷十四

宋 蒲積中 編

清明

清明早赴王門率成

李 嶠

游客趨梁邸朝光入楚臺
槐煙乘曉散榆火應春開
日帶晴虹上花隨早蝶來
雄風乘令節欲吹拂輕灰

清明日龍門游泛

晴曉國門通都門藹將發
紛紛洛陽道南望伊川闕
行

漾乘和風清明送芬月林窺二山動水見千龕越羅袂
宵揚絲香撓犯苔髮羣心行樂未唯恐流芳歇

清明日詔宴寧王山池得菲字

張說

今日清明宴佳境惜芳菲搖揚花雜下嬌轉鶯亂飛
渚傳歌榜虹橋度舞圻和風偏應律細雨不需衣

清明日宴梅道士房

孟浩然

林卧愁春晝寒憊覽物華忽逢青鳥使邀我赤松家金

竈初開火仙桃正發花
童顏若可駐何惜醉流霞

清明即事

帝里重清明人心自愁思
車聲上路合柳色東城翠
落花落草齊生鶯飛蝶雙
戲空堂坐相憶酌茗聊代醉

清明

杜甫

此身飄泊苦西東右臂偏枯半耳聾
寂寂繫舟雙下淚悠悠伏枕左書空
十年蹴踘將雛遠萬里鞦韆習俗同
旅雁上雲歸紫塞家人鑽火用青楓
秦城樓閣煙花裏

漢主山河錦綉中春去春來洞庭濶白蘋愁煞白頭翁

清明二首

著處繁華矜是日長沙千人萬人出渡頭翠柳艷明眉
爭道朱蹄驕齧膝此都好游湘西寺諸將各自軍中至
馬援征行在眼前葛強親近同心事金鐙下山紅粉晚
牙檣捩柁青樓遠古時喪亂皆可知人世悲歡暫相遣
弟姪雖存不得書干戈未息苦離居逢迎少壯非吾道
況乃今朝更祓除

朝來新火起新煙湖色春光淨客船綉羽銜花他自得
紅顏騎竹我無緣胡童結束還難有楚女腰支亦可憐
不見定王城舊處長懷賈傅井依然虛霑焦舉為寒食
實藉嚴君賣卜錢鐘鼎山林各天性濁醪麤飢任吾年
清明日自西午橋至瓜巖村有懷

張繼

曉霽龍門雨春生汝穴風烏啼官路靜花發毀垣空鳴
玉慙時輩垂絲學老翁舊游今不見惆悵洛城東

清明後登城眺望

風景清明後雲山睥睨前
百花如舊日萬井出清煙
青草無空地江流合遠天
長安何處是遙指夕陽邊

清明日青龍寺上方得多字

上方偏可適季月況堪過
遠近人都至東西山色多
夕陽留徑草新葉變庭柯
已渡清明節春愁如客何

清明日送鄧芮還鄉

戴叔倫

鐘鼓喧離室車徒促夜裝
曉厨新出火輕柳暗飛霜
傳

鏡看華髮持盃話故鄉
每嫌兒女淚今日自霓裳

清明賜公卿新火

史延

上苑連侯第清明及暮春
九天初改火萬井屬良辰
頌賜恩踰洽承時慶亦均
翠煙和柳嫩紅焰出花新
寵命尊三老祥光燭萬人
太平當此日空腹賀陶鈞

又

玉騎傳紅燭天厨賜近臣
火隨黃道見煙繞白榆新
榮耀分他室恩光共此辰
更調金鼎膳還暖玉堂人
灼灼

千門映輝輝萬井春應憐聚螢者瞻望獨無隣

又

王 濯

御火傳香殿華光及侍臣星流中使馬燭耀九衢人轉
影連金屋分輝麗錦茵焰迎紅蕊發煙染綠條春助律
和風早添鑪暖氣新誰憐一寒士猶望照東隣

同顏使君清明日游因送蕭仇香 皎然

誰知賞佳節別意忽相和暮色汀洲遍春情楊柳多高
城戀旌旆極浦宿風波惆悵友山月今宵不再過

清明日登城春望寄大夫使君

王表

春城閒望愛晴天何處風光不眼前
寒食花開千樹雪清明日出萬家煙
興來促席唯同舍醉後狂歌盡少年
聞說鶯啼却惆悵詩成不見謝臨川

清明節郭侍御偶與李侍御孔校書王秀才游
開化寺卧病不得同游賦詩十韻兼呈馬十八

郎丞公得岫字

崔元翰

山色入層城鐘聲臨複岫乘閒息邊事探異憐春候曲
閣下重階迴廊遙對雷石間花遍落草上雲時覆鑽火
見樵人飲泉逢野獸道情親法侶時望登朝右執憲糾
姦邪刊書正訛謬茂才當時選公子生人秀贈答繼篇
章歡娛重朋舊垂簾獨衰疾擊缶酬金奏

自蜀詔還清明日途經百牢關因題石門洞

昔佩兵符去今持相印還天光臨井絡春物度巴山鳥
道青冥外風泉洞壑間何慙班定遠辛苦玉門關

和黃門相公詔還題石門洞 趙宗儒

益部思輝降同榮漢相還韶芳滿歸路軒騎出重關望
日朝天闕披雲過蜀山更題風雅韻水絕翠巖間

同前

鄭餘慶

紫氛隨馬處黃閣駐車情嵌壑驚山勢淋灘戀水聲地
分三蜀限關志百牢名琬琰攀酬郢徵言鼎飪情

和清明日裴閣老招城南遊覽口號時以疾故
有阻追游

權德輿

紫禁宿初迴清明花亂開相招直城外遠遠上春臺諫
曹將列宿幾處期子玉深竹與清泉家家桃李鮮折芳
行載酒勝賞隨君有愁疾自無悰臨風一搔首

清明日次弋陽

自欲清明在遠鄉桐花覆水葛溪長家人定是持新火
點作孤燈照洞房

清明日后土祠送田徹

楊巨源

清明千萬家處處是年華榆柳芳辰火梧桐今始花登

祠結雲騎遊陌擁香車惆悵田郎去原迴烟樹斜

洛陽清明日雨霽

李正封

曉日清明天夜來
嵩少雨千門止煙火
九陌無風土酒
淥橋市春漏閒
宮殿午游人戀芳草
半犯嚴城鼓

清明日漢上憶與樂天輩游 元稹

當年寒食好風輕
觸處相隨取次行
今日清明漢江上
一身騎馬將官迎

清明日送韋侍御貶虔州

白居易

寂寞清明日蕭條司馬家留錫和冷粥出火煮新茶欲
別能無酒相留亦有花南遷更何處此地已天涯

清明日觀妓舞聽客詩

看舞顏如玉聽詩韻似金綺羅從許笑絃管不妨吟可
惜春光老無嫌酒盞深亂花送寒食併在此時心

清明夜

好風隴月清明夜碧砌紅軒刺史家獨向迴廊行復歇
遙聽絃管夜看花

清明日登老君閣望洛城贈道士

風光煙火清明日歌哭悲歡城市間
何事不隨東洛水誰家又葬北邙山
中橋車馬長無已下渡舟航亦不閒
冢墓纍纍人擾擾遼東悵望鶴飛還

同綿州胡郎中清明日對雨西京讌

張籍

郡內新開火高齋雨氣清惜花邀客賞
勸酒促歌聲共醉移芳席留歡閉暮城
政閒方宴語琴瑟任搖情

清明日題一公禪室

李 郢

山頭蘭若石楠春
山下清明煙火新
此日何窮禮禪客
歸心誰是戀禪人

清明日

溫庭筠

清蛾畫扇中
春樹鬱金紅
出犯繁花露
歸穿弱柳風
馬
驕偏避憶雞駭
乍開籠
拓彈何人發
黃鸝隔故宮

禁火日

駘蕩清明日
儲胥小苑東
暖衫萱草綠
春鬢杏花紅
馬

轡輕街雪車衣弱向風又愁聞百舌殘睡正朦朧

清明日園林寄友人

賈島

今日清明節園林勝事偏晴風吹柳絮新火起廚煙杜
草開三徑文章憶二賢幾人能命駕對酒落花前

湖寺清明夜遣懷

李羣玉

柳暗花香愁不眠獨凭危檻思悽然野雲將雨度微月
沙鳥帶聲飛遠天久為饑寒拋弟妹每因時節憶團圓
飴飴冷酒明年在未定萍蓬何處邊

長安清明言懷

顧非熊

明時帝里遇清明，還逐遊人出禁城。
九陌芳菲鶯自轉，萬家車馬雨初晴。
客中下第逢今日，愁裡看花厭此生。
春色來年誰是主，不堪憔悴更無成。

清明日與友人游玉粒塘莊來鵲

幾宿春山逐陸郎，清明時節好煙光。
歸穿細荇船頭滑，醉踏殘花屐齒香。
風急巖雲翻迥野，雨餘田水落方塘。
不堪吟罷東回首，滿耳蛙聲正夕陽。

鄂渚清明日與鄉友登頭陀山寺

冷酒一盃相勸頻異鄉相遇轉相親落花風裏數聲笛
秀草煙中無限人都大此時深悵望豈堪高境更逡巡
思量費子真仙子不作頭陀山下塵

清明日江南作

鄭準

吳山楚驛四年中一見清明一改容旅恨共風連夜越
韶光隨酒著人濃延興門外攀花別採石江頭帶雨逢
無限歸心何計是路邊戈甲正重重

歲時雜詠卷十四